

ლოქსი

გაზეთი გამოდის
1933 წლიდან

საქართველოს კომპარტიის ცენტრის რაიონული კომიტეტისა და
ცენტრის სახალხო დეპუტატთა რაიონული საბჭოს ორგანო

№130 (6356) 27 ოქტომბერი 1990 წელი შაბათი ზანი 3 კაპიკი

ქვირფასი აქტიურობა!

...არ გავუმტყუნო იმადი კუთხას

დღეს თითოეული ქვე-
მარტი ქართველი უჩვეუ-
ლო, დაძაბული ცხოვრებით
ცხოვრობს, დგება უამრ
დი არჩევანისა, ხვალ, 28
ოქტომბერს ქართველი ხა-
ლხი მრავალპარტიულ არ-
ჩევნებში განახორციელებს
თავის ნებას. ვიცით, ძვირ-
ფასო მკითხველო, ძვირფა-
სო ამომრჩეველო, რა მღე-
ღვარე წუთები გაქვთ
თქვენც და ჩვენც. საქმე
ეხება ერის ბედის გადაწყ-
ველას, საქართველოს ისე-
თი პარლამენტის არჩევას,
რომელიც წინ წარუდგება
მშობელ ხალხს, მიიყვანს
მას ნაწილს თავისუფლე-
ბამდე, გადაწყვეტს უამრავ
პრობლემას, ქართველი ხა-
ლხის უამრავ საჭირობო-
ბას დააკმაყოფილოს.

ამიტომ დიდი წინდახედუ-
ლებით, დაფიქრებით,
მშვიდ, ნორმალურ ვითარე-
ბაში, ახალი საარჩევნო
კანონის მოთხოვნების სრულ-
ყოფი შესაბამისობით უნდა
მივუდგეთ ამ საერო, პო-
ლიტიკურ, საშვილიშვილო
ნაქმეს—არჩევნებს. თითოე-
ულმა ამომრჩეველმა ყოვე-
ლგვარი ძალდატანების გა-
რეშე, საკუთარი გულისა
და გონების კარნახით უნდა
შეძლოს საკუთარი ნების
გამოხატვა.

ჩვენთვის, ყველასთვის,
ცნობილია არჩევნებში მო-
ნაწილე პარტიებისა და
ბლოკების, დეპუტატობის
კანდიდატების პოლიტიკური
პლატფორმები და კრედიტ-
თითოეული მათგანი შეტა-
ნილია ბიულეტენში. კიდევ
ერთხელ კარგად დაფიქრ-
დეთ—გამოვიჩინოთ ჩვეუ-
ლი სიბრძნე და გონიერება,
რათა პარლამენტში ავირჩიო-
თ ღირსეულთა შორის
ღირსეულები, ისეთი ერის-
კაცები, რომლებიც ქვეყ-
ნას, მამულს, მშობელ
ხალხს უშუალოდ მისცე-

მენ ყველაფერს, რაც კი
აბაღიათ, თუ საჭირო გას-
და, თვით სიცოცხლესაც კი.
ძვირფასო ამომრჩეველე-
ბო! არამც და არამც არ მი-
უდგეთ არჩევნებს გულგრი-
ლად, ერთი წუთითაც არ
იფიქროთ, რომ თქვენს მი-
ერ კენჭის გათვრება—არ
გათვრებით თითქმის არა-
ფერი შეიცვლება. ყველა
ვისაც, რომ იტყვიან, საკუ-
თარი პერანგის ზიდავა შე-
უძლია, ვინც ნაღდი ქართ-
ველია და მისთვის სულერ-
თი არ არის ხვალისდელი
საქართველოს ავტარგი
(ამის უფლება კი არავის
არ გვაქვს), უნდა გამოვიც-
ხადდეთ საარჩევნო უბნებ-
ში, საარჩევნო ყუთებთან
და ხმა მივცეთ დეპუტატო-
ბის ჩვენს კანდიდატს.

რომ არჩევნები არაორგა-
ნიზებულია წარმართოს,
დამერბა არ ქნას და ჩაიშა-
ლოს, ეს იქნება ქართველი
ხალხის ავტორიტეტის, კუ-
ლტურის შელახვა და საუ-
კუნო ლაქა საერთაშორისო
პოლიტიკურ სარბიელზე. და
რაც მთავარია, ჩვენ თუ
დროულად არ ავირჩიეთ
უზენაესი საბჭო, პარლამენ-
ტი, კვლავაც გაგრძელდება
ქალის, განუკითხაობა, ანარ-
ქია, დამნაშავეობა, ურთი-
ერთშუადი და სხვა ათასი
ისასაგადი.

მაშ ასე, ჭერი თქვენზეა
ძვირფასო ამომრჩეველებო!
საქართველო და მისი მომავ-
ალი თქვენს ხელთაა. ხმას
ვამღებთ რა უზენაესი საბ-
ჭოს დეპუტატობის კანდი-
დატებს, ამით ხმას ვამღებთ
საქართველოს მომავალს,
ჩვენი შვილების მომავალს,
მათ უკეთეს ხვალს, ხმას
ვამღებთ ჩვენს თავისუფ-
ლებასა და კეთილდღეობას.

კვლავ ვიმეორებთ: ასჯერ
გავზომოთ და ერთხელ გავ-
ქრათ!

ჩვენი გაზეთის მკითხველმა იცის, რომ შეიძლება საზოგ-
ადოება „ლეჩხუმი“, რომლისგან ბავრ სასიამოო საზოგ-
ადოება „ლეჩხუმი“ გამოდის. ამასთან დაკავშირებით გაზეთ „ლეჩხუმი“ კორ-
ესპონდენტი შეხვდა და ესაუბრა საზოგადოების გამგეობის
თავმჯდომარეს ანკორ გურგენაძეს.

ბატონო ანკორ, როგორც ლე-
ჩხუმელი მშრომელისათვის
ცნობილი გახდა, 6 ოქტომბერს
გამართა საზოგადოება „ლე-
ჩხუმი“ დამფუძნებელი ყრილ-
ობა, რომელმაც აირჩია საზოგა-
დოების გამგეობა, ხოლო გა-
მგეობის თავმჯდომარედ ავირ-
ჩიეს თქვენ. გილოცავთ ლეჩხუ-
მელთა ამ დიდ ნდობას და გი-
სურვებთ წარმატებებს როგორც
სამსახურებრივ, ისე საზოგადო-
ებრივ საქმიანობაში.

გთხოვთ თქვენი მოსაზრებანი
გაუზიაროთ გაზეთ „ლეჩხუმის“
მკითხველებს.

გმადლობთ მოლოცვისათვის
მადლობას მოვასწავნებ დიდი
ნდობისთვის დამფუძნებელი
ყრილობის მთელ შემადგენლო-
ბას. ეს ჩემთვის ძალიან დიდი
ნდობა და პატივი გახლავთ. ამ
ნდობას დაფასება და გამართლე-
ბა უნდა. არ უნდა უმტყუნო
იმედი წენს მშობლიურ კუთხეს,
შენს ხალხს. ვეცდები, გამგეობის
სხვა წევრებთან ერთად, გარკვე-
ული წვლილი შევიტანო ლეჩხუ-
მის პრობლემების მოგვარებაში.

—როგორია საზოგადოების
პროგრამა და თუ შეიძლება
მოკლედ უამბოთ ჩვენი გაზეთის
„ლეჩხუმის“ მკითხველებს რას
იოჯლისწინებს იგი?

მართლაც ძალიან მოკლედ
უნდა გიპასუხოთ. საზოგადოების
უპირველესი ამოცანა გახლავთ
რაიონის მშრომელთა აქტიური
მხარდაჭერითა და დახმარებით,
რაიონის ხელმძღვანელ ორგანო-
ებთან ერთობლივი ძალისხმევით,
გულდასმით შესწავლის ლეჩხუ-
მის რეგიონის პრობლემები, რა
უჭირს, რა უღონის მხარეს, რა
ლონისძიებების გატარება არის
საჭირო, რომ ამაღლდეს სოცია-
ლურ-კულტურული და ეკონომი-
კური დონე, მაქსიმალურად იქ-
ნას გამოყენებული არსებული
რესურსები ცხოვრების დონის
ამაღლებით თვალსაზრისით. პრო-
ბლემა აუარებელია: ეკოლოგია,
რომელსაც ამწევენ როგორც
ბუნებრივი მოვლენები (მეწყერის
წყალიდილობა და სხვა), ასევე
უგულო ადამიანთა უხეში გა-
რეგანი ჩარევა (მაგალითად,
ტყის განუკითხავი ჭრა, ჭეხვის
კასკადების გაუმართლებელი
მშენებლობა და სხვა), რაც
უკვე უმძიმეს, უარყოფით შე-
დეგებს ავლენს; კიდევ უარსია
მოსალოდნელი პერსპექტივაში;

გზებზე, ხიდებზე, ბუნებრივი გაზი,
სამკურნალო, სასწავლო დაწესე-
ბულებზე, საბავშვო ბაღებზე და
მთელი რიგი სოციალურ-საყო-
ფაცხოველებო საკითხები, რომ-
ლებიც (ყველას ჩამოთვლა აქ
შეუძლებელია) სერიოზულ
ზრუნვას მოითხოვენ. საჭიროა
შესწავლილი იქნეს ლეჩხუმის
ბუნებრივი რესურსები, მათი
ამოქმედების გზები და უპირვე-
ლეს ყოვლისა მიღებული მოგე-
ბის დიდი ნაწილის მოხმარება
ადგილობრივი საჭიროებისათვის.
ლეჩხუმის მშრომელისათვის
ალბათ უნდა ეგებოთ პარტნიო-
რები საზღვარგარეთაც. გვაქვს
ისეთი უნიკალური სიმდიდრეები,
რომლებიც შეიძლება ძალიან
მომგებიანი და სასარგებლო გა-
ხდნენ მათი სწორად გამოყენე-
ბის შემთხვევაში. მაგალითად,
ბუნებრივი წყალი (რაჩხა), მინე-
რალური წყლები, იშვიათი ხარი-
სხის ლენიონები და მრავალი
სხვა. გამოყენება უნდა ლეჩხუ-
მის კლიმატურ და ბუნებრივ პი-
რობებს საკურორტო-ტურისტულ-
ი თვალსაზრისით. აქაც ვფიქ-
რობთ, მივიყაროთ საზღვარგა-
რეთელი პარტნიორების ყურად-
ღებას და ბევრი რამ, რასაც
მეცნიერული შესწავლა და გაა-
ნგარიშება სჭირდება.

საზოგადოება „ლეჩხუმის“
გამგეობა ფიქრობს მომავალში
შექმნას თავისი რეგიონალური
ორგანიზაციები. მაგალითად,
აფხაზეთში, ბოლნისში, ქუთაის-
ში, რა თქმა უნდა, თავად ლეჩ-
ხუმში, გვარაუდობთ სოჩიშიც
და ყველგან, სადაც კომპაქტუ-
რად ცხოვრობს ლეჩხუმელითა
გარკვეული ნაწილი. ფიქრობთ,
უნდა მოვიძიოთ საზღვარგარეთ
მცხოვრები ლეჩხუმელებიც.

—როგორ გეხსენებათ ლეჩხუ-
მის ხვალისდელი დღე, მომავ-
ლის წლები, რა პერსპექტივები
გაგაჩნია ამ მხრივ?

ამ კითხვაზე პასუხი თით-
ქმის მოგახსენეთ, მაგრამ მინდა
გამოვყვითლოდ გავიმეორო, თუ
ჩვენ მთელი მონდომებით და
საქმიანდმი სიყვარულით გავაერ-
თიანებთ ძალეებს და არ დავიზა-
რებთ ლეჩხუმისათვის ზრუნვას,
თუ ყველა ლეჩხუმელი, ლეჩხუ-
მში თუ მის გარეთ მცხოვრები
სიტყვიდან საქმეზე გადავა—შე-
სანიშნავად მესახება ლეჩხუმის
პერსპექტივა. ამ საქმეში, კიდევ
ვიმეორებ, აქტიურად და მოქნი-
ლად უნდა გამოვიყენოთ ბუნე-

ბრივი პირობები, ახალი სახელ-
მწიფო კანონები, უცხოეთთან
თანამშრომლობის შესაძლებლო-
ბები. ლეჩხუმს ყველა პირობა
აქვს, რათა ამ კუთხეში უახ-
ლოეს წლებში სერიოზული გა-
რდატეხა მოხდეს სოციალური
და კულტურული მშენებლობის
თვალსაზრისით.

—თქვენ ძალიან დიდ საქმეს
ხელმძღვანელობთ, ტურიზმისა
და ექსპურსიების საქართველოს
რესპუბლიკური საბჭოს თავ-
მჯდომარე ბრძანდებით, საინტე-
რესოა როგორ შეუთავსებთ
ერთმანეთს სამსახურებრივ და
საზოგადოებრივ საქმიანობას და
სამსახურებრივ საქმეს როგორ
გამოიყენებთ ლეჩხუმის კეთილ-
დღეობისათვის?

სიმართლე გითხრათ ძალიან
მეშინოდა და მეშინია ამ ორი
დიდი დატვირთვისა, ამიტომ ასე-
თი შიშითან გამომდინარე თავს
ვიკავებდი ამ საპატიო მოვალეო-
ბის დაკისრებისაგან, მაგრამ მე-
გობრებმა გადაჭრით, თუმცა
თბილად, დამარწმუნეს ამის სა-
ჭიროებაში და როგორც ჩანს,
უნდა მოგნახო და ავამოქმედო
ჩემი დროისა და ენერგიის რე-
ზერვები და არ უნდა მოვიტო-
ვო ლეჩხუმის დაბრუნების გზა, უნდა
შევძლო ნდობის გამართლება.
რაც შეეხება სამსახურებრივ და
საზოგადოებრივ მდგომარეობის
გამოყენებას ლეჩხუმის კეთილ-
დღეობისათვის, ვფიქრობ, ჩემი
სამსახურებრივი მდგომარეობა
მშვენიერად შემიწყობს ხელს
ჩემს ამ ახალ მოღვაწეობაში.
ამასთან იმედი მაქვს იმისა, რომ
გამგეობაში შესანიშნავი ამხანა-
გებია თავმოყრილი (იქნებ არ
იყოს ზედმეტი, თუ გავითი გამ-
გეობის წევრთა შემადგენლობის
და მათი საქმიანობის შესახებ
ინფორმაციას მიაწვდის საზოგა-
დოებას). მამხნევებს და მაიმე-
დებს, რომ რაიონის საზოგადო-
ებრიობა, ხელმძღვანელობა ძა-
ლიან კეთილი გავებით და ინტე-
რესით შეხება საზოგადოების
ქმედებას და ბოლოს დამფუძნე-
ბელი ყრილობის პათოსი, ერთ-
სულოვნება.

რა მიგაჩნიათ ლეჩხუმში მიგ-
რაციის ძირითად მიზეზად და
რით შეიძლება ვუწამლოთ მას?

მიზეზი ბევრია. უპირველეს
ყოვლისა მკვეთრი განსხვავება
ქალაქისა და რაიონის ცხოვრე-
ბის დონეს შორის, ცხოვრების
პირობები, მე ვიტყვოდი, საკმაოდ
მძიმე. სამწუხაროდ, შემუშავდა
ტენდენცია, როცა დაიკლება
ესა თუ ის რეგიონი, მერე და-
ტრილდებიან.

(დასასრული მე-3 გვერდზე).

ხილის რეზერვები არის

ლაჩანის რეგიონის მშრო-
მელებმა კურკოვანი ხილი
საგეგმო 360 ტონის ნაცე-
ლად 399,7 ტონა მიიტანეს
მიმღებ პუნქტებში. ახლა

თესლოვანი ხილის დამზა-
დება მიმდინარეობს. 462
ტონიდან, რაც დაგეგმილია,
212 ტონა უკვე დამზადე-
ბული აქვთ.

პარეზანი ჩვენ...

„ჩვენ მივალწვეთ მრავალპარტიულ არჩევნებს საქართველოში“ — რამდენჯერმე დაიქადა მე-რამ კოსტავამ. ძალი შესწევდა ქადილისა, მართალია, მას აღარ დასცადა, მაგრამ თანამებრძოლებმა აუხდინეს მისი სურვილი ქართველ ხალხს. და ვდგავართ ახლა ახდენილი მცირე რიცხვით უდიდესი მიზნის წინაშე, ვდგავართ ჩვენს სიცოცხლეში პირველი არჩევანის წინაშე.

საბჭოთა საქართველოს ისტორიაში პირველ მრავალპარტიულ არჩევნებში მონაწილეობის სურვილი 14 პოლიტიკურმა პარტიამ და ბლოკმა განაცხადა. დღეს უკვე 11 იურის კენჭს. მაგრამ ფაქტობრივად ჩვენ ერთი არჩევანი გვაქვს: ან კომუნისტური მმართველობა ან ეროვნული პარლამენტი, რომელიც შეძლებს ანექსიის შედეგების ლიკვიდაციას. ქართველმა ხალხმა ამ ეტაპზე უნდა შეძლოს ისეთი პარლამენტის არჩევა, რომელიც განთავისუფლებს საქართველოს იმ მმართველობისაგან, რომელმაც


გაუიდა და განადგურა სამშობლო, უდიდესი კულტურული ისტორიის მქონე ქვეყანა. უსასოობის, უსურსათობის, უზნეობის კაობში ჩაფლო, ხმის მიცემის დროს ყოველი ქართველი რჩება მხოლოდ საკუთარი სინდისის, სამშობლოს ბედის წინაშე და წყვეტს მის ბედს თუ უბედობას, ირჩევს ან თავისუფალ, დემოკრატიულ საქართველოს, ან დაპყრობილ, რუსული ბოლშევიზმის უღელდაღმალ ქვეყანას; ან სამართლებრივ, კანონით დაცულ, თავის მოქალაქეებზე მზრუნველ სახელმწიფოს, ან ხალხის კისურზე მჯდომ ბიუროკრატიულ და პარტოკრატიულ აპარატს; ან უყეთეს მომავალს, ან კარაქის, შაქრის, ბუნების, პურის ტალონებს, უსამართლო მართლმსაჯულებას, ანარქიას, იქნებ სამოქალაქო ომსაც. ნუ ვენდობით იმ პარტიებს და იმ ადამიანებს, ვინც არჩევნების წინ იგებს ხალხის გულს იმით, რომ მაგალითად, „შეღვათებს“ აძლევს ვეტერან-მეომრებს, ფაციფუცი აგებს

ასფალტს სოფლის გზის 500 მეტრთან მონაკვეთზე, რასაც 3-4 წლის წინ პირდებოდა ხალხს, ახლა კი ერთ კვირაში შეძლო. დამთავრდება არჩევნები და დანაპირები. საპნის ბუშტივით გაქრება ვეტერანებს პენსიონერებს კომუნისტური მმართველობა დააჯერებს ამ მცირე შეღვათებს, ხოლო წვიმიან ამინდში დაგებული ასფალტის გზა გაისად ახლად იქნება დასაგები. ჩვენი ცხოვრება კი გაგრძელდება ისეთივე დაპირებებით, როგორცაა გვკვეთავდნენ ამ ხნის მანძილზე. უკვე აღარავის სჯერა „პერესტროიკის“ ილუზიებისა, ვერავითარი რეგულირებადი ბაზარი, ვერავითარი საბჭოური ეკონომიკური რეფორმა ოდნავადაც ვერ გააუმჯობესებს ჩვენს გაშვარბულ ყოფას. ამიტომ ვისაც სურს ჰქონდეს მომავალი, ვინც ფიქრობს თავისი შვილებისა და შვილიშვილების ბედზე, ხმა მივცეთ საქართველოს თავისუფლებას, ხმა მივცეთ ეროვნულ ძალებს.

ხმა მივცეთ „თავისუფალ საქართველოს“.

ი. ხელოძე.

მიმდინარეობს გზის შეკეთება



„დიდგორით დიდი გული აქვს ქართველს!“ — საუკუნეა ასე ესმის სახმენელს ჩვენსას; დღეს კი უფრო ძალუმაღ გვესმის დავით აღმაშენებლის დროინდელ ფართა ელრიალი და გვჯერა, რომ კვლავ გავიმარჯვებთ.

უსაშველოდ დამგვანებია ურთიერთს მაშინდელი და დღევანდელი საქართველო; მაშინდელივით — ან უნდა გადავრჩეთ, ან უნდა დავიღუპოთ. ხომ მოხდა გაუგონარი სასწაული — იძლია

შინ დიდგორია!

მტერი 1121 წლის 12 აგვისტოს, ეს იყო „ძლევი საკვირველი“, ახლაც უნდა დაიძლიოს მტერი — იმპერიული ურჩხული მთელი თავისი ნაირსახეობით და ეგ უნდა გახდეს მეორე „ძლევი საკვირველი“ ქართველთა სულისა და ხასიათის გადამრჩენი, მონობისაგან თავდახსნილი საქართველოს დღე. ერთადერთი საამისო საშუალება

ამჯერად ჩვენივე ხმაა, ის ხმა, რომელიც „თავისუფალ საქართველოს“ — მრგვალ მაგიდას უნდა მიეცეს. სხვანაირად აღარც ახალი დიდგორი გვექნება და ძველსაც დაგვავიწყებენ!

1990 წლის 28 ოქტომბერს საქართველო დიდგორის ომში მიდის..

თქვენი გონიერებისა და სინდისის იმედზეა საქართველო, ამომრჩეველბო!

ლელა ლომთაძე.

ცაბერის №23 საგზაო სამმართველოს მშრომლებს საზრუნავს რა გამოუღევთ. ჩვენი რელიეფურ-კლიმატურ პირობების გამო გზა ხან სად საჭიროებს შეკეთებას და ხან სად.

ღვედის ტერიტორიაზე გასულ წლებში ჩამოსულმა მეწყერმა გზა სერიოზულად დაზიანა. მას აქვთ მიმდინარეობს გზის შეკეთება, რომ ცხენისწყალს თავისი გზა მისცენ, მეწყერს — თავისი. რთულია მონაკვეთის სამუშაო, იმდენად რთული, რომ წყალდიდობა თავისას არ იშლის და მეწყერი კიდევ ჯიუტად მოდის ზემოდან.

სურათებზე: მიმდინარეობს წყლის ვალაპოტის გამწმენდი სამუშაოები და ბეტონის შპალების ჩაწყობა. ზ. გზომავას ფოტო.

„თქვენ გსმენიათ, რომ თქვალა: „ზიჟვარა მოუვასი ზენი და ზიჟალა მბარი ზენი“. ამ კი გზუზნებით: გიჟვარადეთ თქვენი მბრავი, დალრცათ თქვენი გავუზვარე, ავალმოგვადება გავუფით მოქალაქებს და ილრცათ გათთვის, ვინც თქვენ გავიფრავთ და გდავინთ, რათა იუვენთ თქვენი ზიჟვარი მაშის კანი“.

ამათ 5.

დიაგნოზით გაყოფილ მართკუთხედის ქვედა ნაწილი კაცია გამოსახული, მძიმე ტვირთისაგან წელში მოხრილი, ამ ტვირთს ორივე ხელით ჩაბლაუკებია ალისფერი ფიგურა. ტვირთს სიმბოლურად მართკუთხედის დიაგნალსზედა ნაწილი გამოხატავს და სიმძიმე კუბრისფერითაა წაზვასმული. და ამის მიუხედავად სურათი აშკარად საზეიმოდ განწყობილებითაა აღსავსე, სულის ზეიმით. სიმძიმისაგან ღამის გასრეხილი ადამიანის ფიგურა რაღაც მანქანებით მაინც წიშწრაფვას განასახიერებს, ხოლო თქრისფერი ნათელი, რომლის ფონზეცაა გამოსახული იგი, კიდევ ერთი სიმბოლოა, სიმბოლო იმისა, რომ სხე-

ულის მძიმე ტვირთი სულს კი არ ამძიმებს, უხარის კიდევ... ეს ემბლემა, ხოლო დევიზი იოანე მახარებლის სიტყვებითაა გადმოცემული. „რომელსა არა უყვარდეს, მან არა იცის ღმერთი რამეთუ ღმერთი სიყვარული არს“.

მიუხედავად იმისა, რომ სრულიად საქართველოს საქველმოქმედო საზოგადოება „სავანეთას“ ქრისტიანული მსოფლმხედველს საფუძვლად და მისი საქმიანობა მკვეთრად ქრისტიანული ხასიათისაა, მის პროგრამაში არის ასეთი დებულება: „სავანეთას“ წევრად შეიძლება მიღებულ იქნეს ნებისმიერი

მოქალაქე, განურჩევლად ეროვნებისა, სქესისა, სარწმუნოებისა და სოციალური მდგომარეობისა, რომელსაც შეუძლურდა 18 წელი, სურვილი აქვს მოწოდებისა და პროფესიული მომზადების შესაბამისად მონაწილეობდეს „სავანეთას“ მიზნებისა და ამოცანების განხორციელებაში და აღიარებს „სავანეთას“ წესდებებს“. დიხ მიუხედავად სარწმუნოებისა, ამ დებულებით „სავანეთა“ ხაზს უსვამს იმ იდეის საყოველთაობას, რომელსაც ეკობრიული სიყვარული ჰქვია. ამ იდეიდან გამომდინარე საზოგადოება თავის ძირითად ამოცანად სახავს: „მეურვეობდეს ობოლ და უბატრონო ბავშვებს, ზრუნავდეს მათზე; იყოს დაზარალებულ-დავრდომილთა, უბატრონოთა და მარტოხელა მოხუცთა, ღვდათა, ინვალიდთა, ობოლთა, მსჯავრდებულთა (საქართველოს სსრ შრომა-გასწორების კოდექსის VIII კარის შესაბამისად), სასჯელმთხედოთა თან-

მდგომი, უწევდეს მათ მორალურ, მატერიალურ, სამართლებრივ და სხვა სახის დახმარებას. აზიაროს ბავშვები, მოზარდები და ახალგაზრდობა კაცობრიობის სულიერ ფასეულობებს, ქართული და მსოფლიო კულტურის შედევრებს, ჩაუნერგოს მათ მაღალი ადამიანური თვისებები საზოგადოებრივი, საქველმოქმედო მოღვაწეობისთვის, გაუღვივოს საუკეთესო ადამიანური თვისებები, განუვითაროს ორგანიზატორული ჩვევები და ინიციატივა; დაამკვიდროს ადამიანთა შორის ურთიერთობის კულტურა ჰუმანიზმის, თავისუფლების, თანასწორობის, ძმობის, ურთიერთპატივისცემის პრინციპების საფუძველზე; გამოავლინოს ნიჭიერი ადამიანები და მხარი დაუჭიროს მათ შემოქმედებით ზრდას, საქიროების შემთხვევაში გაგზავნოს ისინი „სავანეთას“ ხარჯზე საბჭოთა და უცხოეთის სასწავლებლებში არსებული კანონმდებლობის ფარგლებში“.

საზოგადოებას სულ ერთი წლის

ისტორია აქვს, მაგრამ უკვე მოასწრო ზოგიერთი ამოცანის ხორცშესხმა, რითაც ნდობა და თანაგრძნობა დაიმსახურა. ჩვენ დროში კი ეს ძალზე ძნელია.

„სავანეთას“ თბილისის სამომში სულ 12 წევრია. გვიამბობს სამშოს წინამძღვარი (სულიერ მოძღვარი) ბატონი ფრანკაშ მგელაძე: „მაგრამ თავისუფალი წევრები და მხარდამჭერები გაცილებით მეტი გვყავს. სწორედ მათი დახმარებით და თანადგომით მოვასერებთ ამდენი ღონისძიებისა და აქციის ჩატარება ერთ წელიწადში: ნათლობა წყნეთის, ღიღისა და კოჭრის ბავშვთა სახლებში, რუსთავეის სკოლით დაავადებულ ბავშვთა სკოლა-ინტერნატში (მოინათლა 218 ბავშვი), ფსიქო-ნევროლოგიური დისპანსერის მკვიდრთა მონახულება (ქვეყნის ფსიქონევროლოგიურ დისპანსერში 4-ჯერ იყვნენ, ავადმყოფებს მე-

„ ის შენგან

...არ გავუმეტყუნო იმადი კუთხეს

(დასასრული).

სჯობია, რომ თავის დროზე თუ-
ცნადა ნაკლები დავხარჯოთ, რა-
თა დამატარება ხალხი, თორემ
წამოსულის დაბრუნება ძნელია.
ძალიან ცუდი როლი ითამაშა
თავის დროზე მიწის ფართობე-
ბის და პირუტყვის სულადობის
წებულებამ გლეხური მეურნეო-
ბისათვის, აგრეთვე სოფლის მე-
ურნეობის პროდუქციის დაბალ-
მა შესასყიდმა ფასებმა. ელემენ-
ტარულ პირობებს ვერ ვუქმნით
სოფლის ინტელიგენციას: პე-
დაგოგებს, ექიმებს და სხვა.
ახლა კი მეწყერი მოგვევლინა
მიგრაციის მებრძოლად. ყვე-
ლამ უნდა ვეცადოთ შემცირდეს
გადასახლების აუცილებლობა,
ხოლო ვინც აუცილებლად გადა-
სახლდება, ხელი უნდა შეეუ-
წყოთ—ფხვი არ ამოიკეთოს
ლენინიდან. სახლი თუ დაე-
ნგრა და მარანი გადაჩია, არ
უნდა წავართვათ მარანი
და გზო, მისი კუთხის სიყვა-
რული. იქნება ამ სიყვარულმა
შემოაბრუნოს წასული. დიდი
საფიქრალია დემოგრაფიული
პრობლემა. ქ. მეცნიერულად
შესწავლილი რეკომენდაციები
უნდა დაეწეროთ, რომ ხელი
შეეუწყოთ დემოგრაფიული მდგო-
მარეობის გაუმჯობესებას.

—რას იტყვით ქართველი
ხალხის სურვილზე სუვერენუ-
ლი, დამოუკიდებელი საქა-
რთველის შესახებ?

ერს, რომელსაც ეს სურვი-
ლი ჩაუკდება, მას დაუშვა არ
ასცდება, თავის თავისთვის გან-
აჩენი გამოტანილი აქვს, ქართ-
ველ კაცს ხშირად ჰქონია ისტო-
რიულად ძნელი პერიოდები, ხში-
რად დაუდევთ მისთვის ბოროტ-
ლიც, მაგრამ ვერასდროს მოახე-
რხეს მისი სულის და გონებე-
სათვის ბოროტების დადება, ის
ყოველთვის დამოუკიდებლობისა
და თავისუფლებისაკენ მიილტ-
ვოდა, ყოველთვის იცავდა თავის
დამოუკიდებლობას და სუვერე-
ნიტეტს, ოჯახისა და ქვეყნის სი-
ნდის-ნამუსს, მათ ხელშეუხე-

ბლობას. ამას ღალატებს საქარ-
თველოს დედა-ისტორია, ამის
მოწმენი არიან მურის ხილთან
დღესაც ამყავდნენ გადმომდგარი
სამი ციხე, საქართველოს სხვა-
დასხვა მხარეში დარჩა მდგარი
ციხე-კოშკები. დღეს არ არის
ძალა, რომელსაც შეუძლია საქ-
ართველოში ეროვნული მოძრა-
ობის აღორძინების შეჩერება,
არ არის ძალა, რომელსაც შეუ-
ძლია წინ აღუდგას ქართველი
ხალხის სურვილი, რომ საქარ-
თველი იყოს ერთიანი, დემოკრა-
ტიული, სუვერენული სახელმწი-
ფო. მტკიცედ მჯამს, რომ ეს
უახლოესი პერიოდის მისაღწე-
ვია, ვის რას უშლის ჩვენი დამ-
ოუკიდებლობა, ღმერთი, რკუ-
ლი, ქართველი კაცი, მისი დამ-
ოუკიდებელი სახელმწიფო არას-
ოდეს არავის დაუქრება, არა-
ვის მიწაზე თვალი არ გაქცევია,
ამიტომ მას ეკუთვნის დამოუკი-
დებლობა და განგება უნდა გა-
დმოხედოს ჩვენს ქვეყანას.

—ბატონო ანზორ, დამოუკი-
დებელ საქართველოში როგორ
გესაზღვრებათ კომპარტიის როლი
და კომუნისტთა დემოკრატიული
ნაწილის როლი მომავალ პარ-
ლამენტში?

პირდაპირ უნდა ვთქვათ:
კომუნისტური იდეებიდან და
სახელმწიფოს მართვის კომპარტ-
იის ცენტრალური კომიტეტის
გენერალური მიმართულებიდან
ზევრება რამემ ვერ გაამართლა.
გახსენა რკინის ფარდა ჩვენსა
და საზღვარგარეთის ქვეყნებს
შორის და აშკარა გახდა, რომ
საშინელი სიცრუით გვიტენი-
დნენ თავს, ეცხოვრობდით თით-
ქოს სამოთხეში და ვაშენებდით
საამურ ქვეყანას, კაპიტალისტურ
ქვეყნებში კი შიმშილით კვდებო-
დნენ, გვეცვა შინაგური „ტელ-
ოგრაფიები“ — და ქალამნები და
გვეცოდებოდა „საწყალო“ ამერ-
იკელები და ფრანგები. შეგხე-
დოთ და გავაანალიზოთ რა
ცხოვრების დონეა კომუნისტურ
კარელიაში და კაპიტალისტურ
ფინეთში, შეგხედოთ სამხრეთ
კორეას, რომელიც თვით იაპო-
ნიას უწევს მეტოქეობას და რა

დონეა კომუნისტურ ჩრდილო
კორეაში. აღარაფერს ვამბობ
ჩვენი ქვეყნის საერთო დონის
შესახებ მოწინავე კაპიტალისტურ
ქვეყნებთან შედარებით. ეტყობა
კომუნისტურმა პარტიამ ძველი
მეთოდებით ვერ შეისწო ამ
უზარმაზარ, გიგანტური სახელ-
მწიფოს ბედისა და მომავლის
განსაზღვრა და გადაწყვეტა,
მაგრამ იმედს მაძლევს ის მდგო-
მარეობა, რომ პარტიის პროგრ-
ესულმა, დემოკრატიულმა ძალე-
ბმა დაინახეს რეალურად ქვეყ-
ნის მდგომარეობა და მიმდინარე-
ობის დაძაბული მუშაობა კრიზ-
ისიდან გამოსავალი გზების ძიე-
ბისათვის. ანალოგიური მდგომ-
არეობაა საქართველოს კომპარ-
ტიაშიც. მიმაჩნია, რომ საქარ-
თველოს კომპარტიის შესწევს
უნარი თავის თავში იპოვოს ძა-
ლა—დაგმოს თავისი უხეში შეც-
დომები, ცალკეულ ლიდერთა
მიერ ჩადენილი ბოროტმოქმედ-
ებები, თავის საქმიანობით ბოლი-
ში მოხადოს ხალხის წინაშე და
ღრმა ეროვნული პოზიციიდან
გარდაიქმნას ერთ-ერთ აქტიურად
მებრძოლ, თვისობრივად სრული-
ად ახალ პარტიად და შეიტანოს
საგრძნობი წვლილი საქართველო-
ს სახელმწიფოებრიობის აღდგე-
ნის, მისი დამოუკიდებლობის
მიღწევისა და აყვავების საქმეში.
მე მიმაჩნია, რომ უდავოდ
პროგრესულად, დადებითად უნ-
და შეფასდეს საქართველოში
მრავალპარტიულობა. ნუ შეგვა-
შინებს ეს. დრო განსაზღვრავს
და გამოკვეთავს პარტიების რაო-
დენობას, მიმართულებას, რამდ-
ენადაც სიმრავლე ხშირად ძალ-
ების დაქსაქსება იწვევს. ვთვლი,
რომ დღეისათვის ყველაზე გამ-
ოცდილი, ორგანიზებული, მატე-
რიალურ-ტექნიკური საშუალებ-
ებით უზრუნველყოფილი, რეგ-
იონალური — ორგანიზაციული
სტრუქტურებით ჩამოყალიბებუ-
ლი და საერთოდ რიცხობრივად
დაც ყველაზე ძლიერი კომპარ-
ტიაა. ამასთანავე რესპუბლიკისა
თუ ქვეყნის გარე კავშირებით
სხვა პარტიებთან და სახელმწიფ-
ოებთან იგი ჯერ-ჯერობით ასევე
ყველაზე გამოცდილია. საქარ-
თველოს კომპარტიაში ხომ არაე-

რთი მხტვრავი ქართული გული
და გონება ძველს, მათ უნდა
უპირველეს საზრუნავად გაიხა-
დონ ეროვნული ინტერესები,
საქართველოს დამოუკიდებლობა,
მისი აღორძინება, აქ მცხოვრები
ყველა ერის შეკავშირება.
აქედან გამომდინარე, ვფიქრობ,
მას შეუძლია და გაუძღვებო-
ცა ითაოს საქართველოს სახე-
ლმწიფოებრივი დამოუკიდებლო-
ბის აღდგენის მისია. ვიმეორებ,
ამ ეტაპზე ამის გაკეთება ყველ-
აზე უფრო კომპარტიას შეუძლ-
ია. გონივრული იქნება ერის ინ-
ტერესებიდან გამომდინარე, სხვა
პარტიებმა და გაერთიანებებმა
ხელი შეუწყონ მას ამ მისიის
განხორციელებაში, რამეთუ კო-
მპარტიის წინასაარჩევნო პრო-
გრამას ვიცნობთ, ის მისაღებია
და ამდენად თანადგომას იმსა-
ხურებს.
შემდეგ რა იქნება? შემდეგ
ნანატრი დემოკრატიზაცია. მრავ-
ალპარტიულობა ყველაფერს
თავის ადგილს მიუჩენს.
კომუნისტთა დემოკრატიული
ნაწილი პარტიის რიგებში არც
თუ ისე მცირეა, ძალზე ბევრია
და მიმაჩნია, რომ ამ მიმე მომ-
ენტში ისინი კი არ უნდა გაი-
ქცნენ (ზოგი ამას განსაკუთრე-
ბული ზარ-ზეიმით აცხადებს).
ამით გმირუნდა კი არ უნდა
წარმოგვიდგინონ თავი, არამედ
უნდა ეცადონ ჯერ კიდევ მძლავ-
რი პარტიის ძალა წარმართონ
საქართველოს დამოუკიდებლობის
მისაღწევად. შემდეგ? შემდეგ
მიმაჩნია, რომ კომპარტიამ უნდა
მოახდინოს თვითლიკვიდაცია და
მის რიგებში მყოფი საქართვე-
ლოს მოწინავე ადამიანთა მძლავ-
რი რაზმით შექმნას სრულიად
ახალი მმართველობით პარტია,
რომელიც იქნება ნამდვილად
ხალხის ინტერესების გამომხატ-
ელი და მისი მომავლისათვის
თავდადებული. მე ეჭვი არ მე-
პარება, რომ ეს ასე იქნება.
ამისათვის გაქცევა კი არაა
საჭირო პარტიიდან, არამედ
მხარის დაქვრა და ბრძოლა
საჭირო, რომ სწორი მიმართუ-
ლებით წავიდეს ეს უზარმაზარი

პოტენციალის მქონე სიკეთე.
ლო. თუ ვერ შეძლებს წავიდეთ
იქედან, სადაც ჩვენ არ გვეთა-
ნებებიან და ჩვენ მათ არ
ვეთანხმებით.

—თქვენ სკკ წევრი ზრძანდე-
ბით და არჩევნებში დეპუტატ-
ობის კანდიდატად კომპარტიისა-
გან ხართ პარტიული სიით წა-
მოუყვებულნი, როგორია კომპარ-
ტიისა და თქვენი შანსი არჩე-
ვებში გამარჯვებაში?

თქვენს კითხვაზე გიპასუ-
ხებთ: მტკიცედ ვარ დარწმუ-
ებული, რომ ამ არჩევნებში კო-
მპარტია გაიმარჯვებს. შანსი მას
დიდი აქვს. ცოტა უფრო ნაკლ-
ები შანსი მაქვს პირადად მე,
რომ მომიწიოს დეპუტატობამ,
სიამო ცოტა შორს ვარ, უფრო
ახლოს ვერ მივუვს სიის შემდ-
გენლობაში. მაგრამ ეს ჩემს აქტი-
ვობას ვერ შეანელებს. მე მინდა,
რომ ამ არჩევნებში გაიმარჯვოს
ჩვენი თაობის კომპარტია თავი-
სი დღევანდელი მოქმედებით,
ეროვნულით, თავდადებით,
ცოტნე დადიანისა და დიმიტრი
თავდადებულის დონეზე აყვა-
ნილი მამაცობით გამოიყოს
შეცდომები და მოიშოროს ლაქა,
რომელიც მემკვიდრეობით გვე-
რგო, და რაც უახლოეს წლებ-
შიაც დავუშვით. დღევანდელი და
სახელით საქმით ნამუსიანად
ვიყოთ და ვიცხოვროთ ჩვენი
შვილების და შვილიშვილების,
მთელი მომავალი თაობის გვე-
რდით. მაგრამ ამასთან ერთად
აუცილებლად მიმაჩნია პარლა-
მენტში იყოს წარმომადგენლები
სხვა პარტიებიდანაც. პარ-
ლამენტი უნდა იყოს მრავალპარ-
ტიული. დადგა ყამი გამოჩნდეს
ვინ ვინ არის. უნდა ვიყოთ იქ,
სადაც ჩვენს ერს, ხალხს სჭირ-
დება და გვესახურეთ მათ იქ-
იდან, სადაც ვდგევართ.
გმადლობთ ყურადღებისათვის,
თქვენს გაზეთში ადგილის და-
თმობისათვის. მე მინდა ჩემს
ხალხს ვუსტრვო ნათელი მომავ-
ალი.

ელის ხსენას...

ლიკამენტები დაფორმეს, ტანსაც-
მლით დასაჩუქრეს, საავადმყო-
ფოთა, ბავშვთა სახლების კურო-
თხევა (№7 საავადმყოფო, ქორდ-
ანის სახელობის გინეკოლოგიუ-
რი და ადამიანის რეპროდუქცი-
ის კვლევითი ინსტიტუტი, ბიბი-
ლისის ჩვილ ბავშვთა სახლი, მა-
რტყოფის ბავშვთა სახლი, ტრა-
ვმატოლოგიური საავადმყოფო,
კასპის ბავშვთა ფსიქო-ნევროლო-
გიური პანსიონატი), შრომა-
განსწორების კოლონიების მონა-
ხულები, ირანში მიწისძვრის შე-
დეგად დაზარალებულთათვის მე-
დიკამენტების, ტანსაცმლისა და
კარგების გაგზავნა, ფერდინდელ
ქართველთა გამგზავრება ნათეს-
ავთა მოსახლეობებთან. საქველ-
მოქმედო კონცერტები ბავშვთა
სახლების ბინადართათვის, სხვა
კულტურული ხასიათის აქციები.
ჩვენი ყოველი სტუმრობა სიხარ-
ულიან განცდებს იწვევს ბედი-
საგან დაზარალებულ ამ ადამიანებში.
დღითიღვე ცხადი ხდება, როგ-
ორ იმატებს რწმენა მათში, თან-
აგრძნობა და თანაღმობა ცხოვ-

რებისკენ აბრუნებს მათ გამწა-
რებულ სევტებს. მახსოვს, გე-
გუთში ჩვენი სტუმრობისას მთე-
ლი ქალთა კოლონია ლოცულ-
ობდა „მამაო ჩვენო“, თბილი-
სი მე-7 საავადმყოფოს კუროთხ-
ვეის დროს კი ასეთი რამ მოხ-
და: ერთ-ერთ პალატაში ორჯერ-
ნაინფარქტალი, სასიკვდილოდ
გადაღებულ ასაკოვანი ქალი იწ-
ვა, სითხე ჰქონდა დაგროვილი.
როცა პალატაში ხატები ჩამოეკ-
იდეთ, ავადმყოფებს ლოცვანი
დაეუბრეოთ, მანაც მოინდომა
ლოცვა. სანთელი მიაწოდეს, ფე-
ხზე წამოაყენეს. ორი დღის შე-
მდეგ ავადმყოფს სითხემ დაუქ-
ლო, 5 დღეში კი საავადმყოფო-
დან გაეწერა. ექიმებმა უფრადრით
ახსენეს ეს „დაუკერებელი“ ფაქ-
ტი, არადა, ქალი გადაარჩინა
იმან, რომ ირწმუნა ღვთის ძლი-
ერება. (ნეტარ არიან მორწმუნე-
ნი...). მსგავსი ფაქტები მრავალ-
ჯერ მოხდა ჩვენს პრაქტიკაში.
—თურმე ყველას სურს თო-
ფის სროლის გარეშე კეთილი
საქმის კეთება, — განაგრძობს

ჩემი მოსაუბრე, ადამიანებს
ჰქონიათ სხვისი თანამობის,
ნუგეზისკემის, სხვისი ჭირის გა-
ზიარების მოთხოვნა. საქ-
ველმოქმედო აქციებში აქტიურ-
ად მონაწილეობს საზოგადოებრი-
ობა, ცალკეული ადამიანები,
საწარმოები, კოოპერატივები.
ერთ მაგალითს დავისახელებთ,
ავგისტის ბოლოს გეგუთის
შრომა-განსწორების კოლონიაში
ვიყავით. ინვალიდ გიორგი მას-
სიონის გადაღებით ინვალიდის
საგარძელი, რომელიც მოქალაქე
ამირან კიწმარიშვილმა შეიძინა.
პატიმრებს დაურედათ სახარე-
ბა, ლოცვანი, ხატები, ლაო ძის
თხულება „დაო ღუ ძინი“, მე-
დიკამენტები, საერთოდ სიკეთე
ძალიან გადადგებია, უფრო მე-
ტად, ვიდრე ცუდი. ვისაც როგ-
ორ შეუძლია ისე ცდილობს გა-
ჭირვებულთა დახმარებას. სანთ-
ლებს, ჯერებს, ხატების რებრო-
დუქციებს, ლოცვას გვწირავს
სრულიად საქართველოს საპატ-
რიარქო, მედიკამენტებით გვამა-
რავებს „საქმიანთა მზრუნველთა“

ები“, ხოლო საჩუქრები, ტანსა-
ცმელი იქნება ეს, სათამაშოები,
ტკბილეული თუ სხვა, თვითონ
მაქვთ საწარმო-ორგანიზაციებს,
კოოპერატივებს, მოქალაქეებს.
ჩვენ მხოლოდ ორგანიზაციას ვუ-
კეთებთ და სულს ვუდგამთ აქ-
ციებს. ჯერჯერობით ჩვენთან ფე-
ლი არ ტრიალებს, გვირჩევნია
კიდევ ფული არ გვექონდეს, ოლ-
ონდ სუფთად და ხელშეუხებ-
ლად ვიყოთ.
ბატონი ფარნავაზ მგელაძე
სიამოვნებით გვიყვება ინვალიდ
გოგონაზე-ნათია ილიანაშვილზე,
რომელსაც საზოგადოება „სავა-
ნეთამ“ ყრველთფიური მატერია-
ლური დახმარება დაუნიშნა. საზო-
გადოების წევრები ხშირად
სტუმრობენ მასთან. ნათია უკ-
ვე შემოპრუნდა სიცოცხლისკე-
ენ, კეკელუცობს კიდევ.
ბატონმა ფარნავაზ მგელაძემ
ერთგან აღნიშნა, რომ დღეს სუ-
ლოერ შიმშილს განიცდიდა,
რომ ადამიანი აზროვნება და
არა სხეული, ბევრს კი არ სურს
ამის გაგება. ცალ-ცალკე ნაპერ-
წყალი ყველას სულში ღვივს,
მაგრამ სიბნელის დამარცხება
ნაპერწყლით არ შეიძლება. ეს

ნაპერწყლები უნდა შევრთდეს,
რომ ალი წარმოიშვას. როგორმე
უნდა მოვახერხოთ ამ ცეცხლის
შეერთება. თავისუფალ ქვეყანას
თავისუფალი ადამიანები სჭირდ-
ება, და ჩვენც შეგინდნენ უნდა
გავთავისუფლოთ. ქართველ
თქვა, ერთ ლოყაში რომ გაგა-
რტყან, მეორე მიუშვრიეო. მაგ-
რამ, სამწუხაროდ, არავის სურს
ყური უდგოს უფლის სიტყვას, და
გარისკოს, მიუშვიროს მეორე
ლოყა. არადა, სხვანაირად ძნე-
ლია ვუშველოთ სულიერებისა-
გან დაკლილ ადამიანებს.
მონოლოგი გატაცებული ჩე-
მი მოსაუბრის სახეში არს რალ-
აც ფრესკისეული. მის თავზე ბევრ
ჭირს გადაუვლია. ადრე მშენე-
ბელი ინჟინერი ყოფილა, შემდეგ
ცხოვრებამ მორწმუნე გახადა.
ერთხელ რომ იტყვი, ღმერთო
მიშველო, და გვეშველება, მყო-
რედ, მესამედ მეორე თქვენც ირ-
წმუნებთ. საპატრიარქოში მუშა-
ობდა კარგა ხანს. მეორე „სავან-
ეთას“ იდეა გაჩნდა...

„მს შენგან აღმს სსნას“

(დასასრული)

საზოგადოების წევრი შეიძლება იყოს, ნებისმიერი ადამიანი, უბრალო მიმდევარი, გულისხმიერი და კეთილი, მაგრამ ფარად ისეთი ადამიანებიც საჭიროა, რომელმაც ყველაფერი გადაიტანა, ე. წ. სხვა ცხოვრება გაიარა, ეს ფარი საჭიროა იმათ წინააღმდეგ, ვინც ანგარებით მიზნებით დაპირებს საქველმოქმედო საზოგადოებაში შედგომას, ახლა ასეთები ბევრი არიან, ისინი ახერხებენ მიეტმასნონ ეროვნულ

მოძრაობას. დღეს ბევრი საზოგადოება და ასოციაცია დანაგვიანებულია ასეთი ადამიანებით და ბუნებრივია, მათი საქმიანობაც არ არის ნამდვილად ეროვნული. სულ რამდენიმე საქველმოქმედო საზოგადოება მისდევს ქვეშევრდებს. „მეგზური“, „კათარზისი“... „საიანეთა“—ეს თვალსაჩინოა. ჩვენ გვინდა ბოროტსა და ღვინაობით, რომ მასში სიკეთე დაისადგუროს. შტაბ-ბინად ახლობლის სარდაფი შევარჩიეთ, მოვაწყვეთ, და ახლა ჩვენთან იმისთვის მოდიან, რომ დამშვიდდნენ, სულის საზრდო მიიღონ.

ჩვენ გვინდა მთელი საქართველო მოიცავს „საიანეთს“. ოკრიბაში უკვე შეიქმნა 5-6 კაციანი სამშო, ცაგერშიც ვიცნობ ადამიანებს, რომლებსაც შეუძლიათ სული ჩაუდგან ამგვარ ორგანიზაციაში. საუბარი გავვიგრძელო. სიამოვნებით ვუსმენდი წინამძღვარს, რომლის სულიერებით დალდასმულ, ყოველგვარ პათეტიკას მოკლებული სიტყვები უჩვეულო იყო ათას ცხოვრებისეულ სატკივარს შეჩვეული ყურისათვის. საუბრის ბოლოს ბატონ ფარნავაზს ვკითხე, რას ფიქრობდა გიორგი იონთა იბერიონის მტკი-

ცებაზე, რომ დადგა ჟამი ლაზარეს აღდგენისა, აი, რა ბრძანა მან: —მე ვიცნობ გიორგი იონთა იბერიონს, ვიცი ამ იდეის შესახებ, მაგრამ არ მიმაჩნია სწორად, ხალხს ვახაროთ, რომ ლაზარე აღდგა. ეს გამოიწვევს ალერგორიულ განწყობილებას. ჩვენი ხალხის ამბავი რომ ვიცი, სიამოვნებით აღნიშნავენ ამას და ქართულ სუფრაზე გაჩნდება კიდევ ერთი სადღეგრძელო—გაუმარჯოს ლაზარეს, გაუმარჯოს საღვთო მისიით აღმშენებელ ქართველ ხალხს სადღეგრძელოები კი ვერ გადაგვარჩენს. იმისთვის, რომ საქართველოს ღვთიური მისია არ დაიკარგოს, ჩვენ უნდა

ხელდაკავიწებულმა გიორგი იონთა იბერიონისთვის. როგორც ახლანდელმა დაქვემდებარებულმა კაცობრიობამ, მას ყოველთვის სიკეთე და სიყვარული ამოჰყავდა. დღეს კი ჩვენ ყველაზე უარესები და ჭეუჭიანები ვართ, ამიტომ ძალიან ბევრი და ხმა-ლა უნდა ვილაპარაკოთ სიყვარულსა და სიკეთეზე, დავეხმაროთ ერთმანეთს, გავუღებოთ სული, დავუამოთ ტკივილი... ამით ჩვენ გადავარჩენთ კაცობრიობას, რომელიც ელის სსნას ჩემგან, შენგან, ყველა ჩვენგანისაგან.

ი. გუარამიშვილი.

ადამიანი ჯანმრთელი რომ იყოს როგორი სირბილია სასარგებლო?

დილაობით სირბილის მოყვარულებს, ალბათ რამდენადმე გული გაუტუტებდათ, როდესაც შეიტყობენ იაპონიაში გამოქვეყნებულ მონაცემებს, რომელიც ამტკიცებს, რომ სირბილი შეიძლება მხოლოდ საღამოობით. ხოლო აი „დილაობით ძუნძულით“ კი, მაგალითად, შეიძლება ნამდვილად ინფარქტი დაიმართოს. ასეთ დასკვნამდე მივიდა უნივერსიტეტ „კიორინის“ დოცენტი ძიუნ იტი ხაისი ასი, რომელიც რამდენიმე წელიწადს სწავლობდა ამ სახის ფიზიკური ვარჯიშის გავლენას ადამიანის ორგანიზმზე,

ერთმანეთს უჭერებდა გამოკვლეულთა ანალიზებს დილისა და საღამოს სირბილის შემდეგ. აღმოჩნდა, რომ პირველი აღიღებდა თრომბოზის ალბათობას, რამდენადაც სასხლის შედეგება იზრდებოდა საშუალოდ 6 პროცენტით. საღამოობით ძუნძულით სირბილის დროს კი პირიქით 20 პროცენტით მცირდება თრომბოციტების რაოდენობა. მრავალი წლის კვლევის შედეგები მეცნიერმა წარუდგინა საერთაშორისო სამედიცინო კონფერენციას სტოკჰოლმში.

ბოლო გაგორება და... „ოქროს კამათელი“

28-24 ოქტომბერს ქალაქის სპორტულ დარბაზში ჩატარდა პირველი რაიონული შეჯიბრება მოკლე ნარდში. ეს ღონისძიება ერთგვარი გამოცხადი იყო ნარდში საქართველოს პირველი ეროვნული ჩემპიონატის პერიპეტეიების კვალზე. შეჯიბრების ინიციატორებმა—რაიონულმა სპორტკომიტეტმა, ახალგაზრდული კავშირის რაიონულმა ორგანიზაციამ, ნ. ფ. ს. ს. „შეგარდენმა“ მიზნად დაისახეს ღერძებში ამ საუკუნეო თამაშის შემდგომი პოპულარიზაცია. შეხვედრები ორ ჯგუფად, წრიული სისტემით წარიმართა. ჯგუფური ტურნირებიდან I-II ადგილებზე გასულმა მონარდებმა შექმნეს საუკეთესო ოთხეული, რომლებმაც ასევე წრიული სისტემით გაითამაშეს შეჯიბრების მთავარი პრიზი, მთავარ შეხვედრაში, რომელ-

საც უნდა გადაეწყვიტა ნარდში რაიონული პირველობის გამარჯვებულის ვინაობა, ერთმანეთს ეცილებოდნენ: ოთარ კონსტანტინეს ძე ყურაშვილი და მერაბ ყორას ძე ახვლედიანი. ყველაფერი მესამე პარტიაში გადაწყდა, თანაც კამათლის ბოლო გაგორებაზე. ალბათობა იმისა, რომ საქირო წყვილი მოვიდოდა, ძალიან მცირე გახლდათ. შემსრულებელმა ერთ პროცენტისა შანსი ხელიდან არ გაუშვა და ზუსტად ორი ექვსიანი დასვა („დუ შაში“). ეს იყო ნარდში პირველი რაიონული ჩემპიონატის ლოგიკური დასასრული. თამაშის ამ სახეობაში რაიონის პირველ ჩემპიონს ოთარ ყურაშვილს გადაეცა სპორტკომიტეტის მთავარი პრიზი. მეორე ადგილზე გამოსული მერაბ ახვლედიანი ნ. ფ. ს. ს. „შეგარდენის“ მიერ დაწესებუ-

ლი პრიზით დაჯილდოვდა. მესამე ადგილი წილად ხვდა ზაზა ხეცურიანს. შეიქმნა ნარდის რაიონული ფედერაცია შვიდი კაცის შემადგენლობით. მართალია ნარდში პირველ რაიონულ გათამაშებაში მხოლოდ 28 მათამაშე იღებდა მონაწილეობას, მაგრამ საინტერესო დაძაბულმა შეჯიბრებამ თვალნათლივ დაგვანახა, რომ თამაშის ამ სახეობას ღერძებში დიდი პერსპექტივები აქვს. გვჭერა, რომ ნარდში საქართველოს მომავალ ეროვნულ ჩემპიონატში ჩვენი რაიონის წარმომადგენლებიც მიიღებენ აქტიურ მონაწილეობას. მაშ ასე, რაიონში ოფიციალური სახე მიიღო ნარდმა. გზა დავულოცოთ და ახალ-ახალი წარმატებები ვუსურვოთ ჩვენს მონარდებს.


ბ. კვირიკაშვილი.

რედაქტორი ნ. ნაშასაძე.



იზა გივიკოს ასუდ ხეცურიანს ირაკლი ნიკოლოზის ძე ჩაპხვაძეს

გილოცავთ შეუღლებას, გაგვლოთ ბედნიერი ცხოვრების გზა, გემრავლებინოთ ქართველი ერი. ნინო, ნატო, ლია, ზაური ახვლედიანი, ბი, ნანა, ზურა ხეცურიანები.



გაგუცა გაძრაძეს

გილოცავთ შეიღწევის შეძენას, გაზრდილიყოს ერის სასახელო შვილი. მრავალი დაძმა შემატებოდეს. ღმერთმა ამრავლოს თქვენს ფუძეზე ძე-ასულები.

ოთარი, დოდო, მაყვალა, ციციწო ლიპარტელიანები.

ნათიდა ყურაშვილს, გია ჭაბუკიანს

გილოცავთ ქალიშვილის შეძენას. ღმერთმა გაგამრავლოთ.

თამაზ, ნუნუ, პიმენ ყურაშვილები, მანანა გობრონიძე, მანანა ყურაშვილი, გოგიტა საყვარელიძე.

რაისაბჭოს აღმასკომის აპარატის თანამშრომლები თანაუგრძნობენ გულს და მიზა კვირკაშვილებს მამლისა და ძმის შალვა კვირკაშვილის გარდაცვალების გამო. ზურაბი, მამია დაშინაძე, ჯობო ბაკრაძე, მერაბ სვანიძე ოჯახებით იუწყებიან დავით გერასიმეს ძე ყურაშვილის გარდაცვალებას. ცაგერის საშუალო სკოლის 1985 წლის კურსდამთავრებულები თანაუგრძნობენ სპარტაკ კვირკაშვილს მამის შალვა ერმილეს ძე კვირკაშვილის გარდაცვალების გამო.

შამილ ლარცულიანი, გიგლა ლეთოიანი, ლევან ბერიძე, სოზარ კვირიკაშვილი, თამაზ ჩაქვეტაძე, ვაჟა სალინაძე, გერმანე ნემსჭედიძე, მურადი მუქბანიანი, თამაზ, რამაზ კოპალიანი, მირზა ლიპარტელიანი, ზურა ჯამბურაძე თანაუგრძნობენ ჯონი და მათა ხალიანებს ბიძის შალვა კვირკაშვილის გარდაცვალების გამო. რაიკოპერატორის სავაჭრო ქსელის მუშაკები თანაუგრძნობენ ნუცა მურცხვალაძეს მეუღლის შალვა კვირკაშვილის გარდაცვალების გამო. ბენია სილაგაძე ოჯახით იუწყება, რომ გარდაიცვალა დადაში ლეთოიანი.

მეუღლე ნინა, შვილები გუგული, ნათელა, აზა, დალი, გურგენი, ზურაბი, თემური, ძმა გერონტი, სიძეები გივი, ზურაბი, ბადრი, რძლები მზია, რიმა, მერი, მარიამი, შვილიშვილები გია, ანზორი, ემზარი, თენგიზი, ნინო, ნატო, გოგი, ზური, გოგიტა, მამუკა, ზაზა, დათო, ზანდა, რამაზი, მალხაზი, ნინო, ნიკა, ნანა, ცოლისძმა ოთარ დავითილიანი, ცოლისძმები ლიდა, საშა, კლავდია, ქვისლი აქესენტი კოპალიანი ოჯახებით იუწყებიან, რომ გარდაიცვალა გრიშა ბიჭორის ძე თუთისანი. დაკრძალვა 1 ნოემბერს, ხუთშაბათს, სოფ. ჩქუმში. რაიკოპერატორის სავაჭრო ქსელის მუშაკები თანაუგრძნობენ ნანუშა მურცხვალაძეს დედის მატრონა ონიანის გარდაცვალების გამო.

ჩვენი მისამართი: 384100 ცაგერი, ლენინის ქ. №56. ტელეფონები: რედაქტორის—22-81, რედაქტორის მოადგილის — 22-85, პასუხისმგებელი მდიანის—22-84, სახალხო მეურნეობის განყოფილების—22-86, მშრომელთა წერილების განყოფილების—22-41 საკორექტოროს—22-48. სტამბის დირექტორის —22-17. სააწყობრო სამსახროს—22-28, გაზეთის გამოცემის სამსახრის, ხუთშაბათს, შაბათს, შეკვეთა №105, ტირაჟი 4488

საქართველოს სსრ ბეჭდვითი საბჭოს სახელმწიფო კომიტეტის ქუთაისის პოლიგრაფიული გაერთიანების ცაგერის სტამბა.